

Lingua galega (maiores 25)

Criterios de corrección

Cuestións

1. Explique o significado que teñen as seguintes palabras e expresións no texto (subliñadas): *lembrar, violencia de xénero, escolma, vítima, frear* (1 punto).

Sumaranse 0,20 puntos por cada resposta correcta.

Trátase de explicar con frases gramaticais o significado específico que estas palabras teñen no texto. Abondará con que se perciba que se entendeu o significado da palabra e que se é capaz de aproximarse a expresar o seu contido, sen que se esixa unha definición exacta. Pódense atribuír puntuacións parciais segundo a precisión da resposta. Non se considerará suficiente a indicación de sinónimos, aínda que se poden atribuír puntuacións parciais de 0,1 puntos se se escriben varios sinónimos.

2. Indique o tema do texto e a continuación escriba as ideas principais (2 puntos).

Asígnase 1 punto por enunciar o tema do texto nunha frase sintética e que abarque o contido do artigo (*A violencia de xénero*, ou similar). Outro punto corresponde a unha enumeración das ideas principais do texto. Requírese enunciar de maneira concisa e precisa as ideas, e non se consideran válidos resumos ou paráfrases do artigo. Puntuacións parciais poden ser atribuídas a respostas incompletas ou con faltas de precisión e exactitude.

3. Escriba as formas do plural das seguintes palabras: *tal, mundial, móbil, cartel, cadril, parasol, control, factor, cidadán, mitin* (1 punto).

Valórase con 0,1 puntos cada resposta correcta: *tales, mundiais, móbiles, carteis, cadrís, parasoles, controis, factores, cidadáns, mitins*.

4. No texto aparece a forma *sofre* (l. 7): conxugue o presente de indicativo e o presente de subjuntivo deste verbo, e a continuación indique outros cinco verbos que se conxuguen da mesma maneira (2 puntos).

Atribúense 0,5 puntos por cada tempo correctamente conxugado (*sufro, sofres, sofre, sufrimos, sufrides, sofren; sufra, sufras, sufra, suframos, sufrades, sufran*). Se un destes tempos contén só unha forma incorrecta, súmanse 0,25 puntos.

Por cada verbo que se conxugue coma *sufrir* engádense 0,20 puntos: *durmir, subir...* Tamén se consideran correctos os verbos do tipo *mentir, servir...*

5. Escriba un comentario crítico do texto, engadindo argumentos propios a favor ou en contra da opinión da autora (4 puntos).

De acordo co programa desta materia, publicado na páxina da CiUG, os alumnos deben escribir un comentario crítico no que demostren a súa capacidade de expresar de maneira organizada e razoada ideas sobre o tema do texto, poñendo en relación os aspectos máis relevantes deste cos coñecementos, ideas e experiencias propias. No comentario someteranse a xuízo crítico as ideas do texto e a súa intención, evitando as paráfrases,

resumos ou a repetición do seu contido. Os alumnos deben expoñer os seus argumentos de maneira organizada e coherente, producindo un texto organizado, por medio dos recursos lingüísticos apropiados e correctos.

Na avaliación deste comentario a pertinencia dos argumentos, a súa orixinalidade e a achega de ideas propias valórase con 2 puntos, mentres que os restantes 2 puntos corresponden á correcta construción do texto (organización da información) e a adecuación e a corrección lingüística (redacción, adecuación do nivel de lingua, gramática, léxico, ortografía, puntuación).